

Cynllun Effeithlonrwydd Ynni – Canllawiau'r Cynllun

YNGLŶN Â'R CYNLLUN

Mae'r Cynllun Effeithlonrwydd Ynni yn helpu mudiadau gwirfoddol i wella effeithlonrwydd ynni eu heiddo drwy ddarparu cyngor, cyllid ac arbenigedd.

Mae'r cynllun yn darparu:

- Grantiau hyd at £1,000 tuag at arolwg ynni yn eich eiddo
- Grantiau hyd at £25,000 tuag at hyd at 80% o'r gost o wneud y gwaith a nodwyd
- Benthyciadau i dalu unrhyw gostau gosod sy'n weddill
- Cysylltiadau â mudiadau sydd eisoes yn gweithio'n agos gyda'r sector gwirfoddol ac sy'n gallu cynnig arolygon, cyngor a gwaith gosod

DIBEN Y CYNLLUN

Mewn arolwg diweddar gan CGGC, nodwyd mai'r cynnydd mewn biliau ynni yw'r ffactor a fydd yn cyflwyno'r her fwyaf i'r sector gwirfoddol yng Nghymru dros y 12 mis nesaf.

Nid yw'r broblem yn un sy'n mynd i ddiflannu'n fuan, a gyda'r argyfwng newid hinsawdd, mae effeithlonrwydd ynni yn cael ei wthio i fyny rhestr 'i'w gwneud' pob mudiad.

Mae mudiadau gwirfoddol yng Nghymru eisiau gwneud rhywbeth i fynd i'r afael â hyn, ond yn wynebu'r cwestiynau, 'beth allwn ni ei wneud?', 'pwy allwn ni ddibynnu arno i wneud gwaith da?', 'sut gallwn ni wybod a yw'n fargen dda?' a 'sut gallwn ni dalu amdano?'.

I ateb y cwestiynau hyn, mae tîm [Buddsoddiad Cymdeithasol Cymru](#) (SIC) CGGC wedi ymuno â'r [Moondance Foundation](#), [Cronfa Gymunedol y Loteri Genedlaethol](#), [Rhaglen Cyfleusterau Cymunedol](#) Llywodraeth Cymru a gweithwyr proffesiynol amrywiol yn y sector i gyflwyno Cynllun Effeithlonrwydd Ynni newydd. Mae'r cynllun yn dwyn ynghyd cyngor, cyllid ac arbenigedd i gyd o dan yr un to.



I BWY MAE HWN?

Er mwyn bod yn gymwys ar gyfer y cynllun hwn, rhaid i'ch mudiad fod:

- Wedi'i gyfansoddi'n addas gyda [strwythur llywodraethu cydnabyddedig](#)
- Yn berchen ar ei eiddo rhydd-ddaliadol ei hun neu â lesddaliad hir (o leiaf 25 mlynedd)
- Â bil ynni blynyddol o £10,000 y flwyddyn o leiaf
- O fewn Cymru

GRANTIAU AROLWG YNNI

Gallwch wneud cais am grant o £1,000 tuag at gost cynnal arolwg ynni yn eich eiddo.

Gellir gwneud cais drwy system Porth Ymgeisio Amlbwrpas (MAP) CGGC [y gellir ei chyrrchu yma](#).

Mae gennym gyllid i wneud hyd at 100 o ddyfarniadau a fydd yn cael eu penderfynu mewn dau banel ddyfarnu a fydd yn cael eu cynnal ar ddechrau mis Rhagfyr ac ar ddiwedd mis Ionawr. Bydd dyraniadau yn cael eu gwneud yn ôl: -

- **Daearyddiaeth** – er mwyn sicrhau dyraniad teg ledled Cymru
- **Canlyniad** – yr arbedion posibl y gellid eu gwneud, ar sail maint y biliau ynni
- **Effaith** – y pwysigrwydd ariannol i'r mudiad o lwyddo i leihau costau ynni
- **Maes gwaith** – i sicrhau lledaeniad ar draws gwahanol rannau o'r sector gwirfoddol yng Nghymru
- **Ymrwymiad i weithredu** – a yw'r mudiad yn gwneud rhywbeth i fynd i'r afael â'r broblem?

Bydd ymgeiswyr na chaiff eu cyllido yn y cylch cyntaf yn cael eu hystyried yn awtomatig yn yr ail gylch. Mae hyn yn golygu nad yw ar sail 'y cyntaf i'r felin', ond byddem yn annog pawb i ymgeisio cyn gynted ag y bo'n ymarferol er mwyn 'cael lle yn y ciw'.

CAEL YR AROLWG WEDI'I WNEUD

Bydd ymgeiswyr llwyddiannus yn dod o hyd i ymgynghorydd i gynnal adolygiad ynni o'u heiddo, a bydd ef neu hi yn llunio adroddiad sy'n cynnwys:

- Asesiad o'r ynni a ddefnyddir ar hyn o bryd
- Ffyrdd posibl y gellir cynhyrchu ynni ar y safle neu ffyrdd y gellir lleihau'r ynni
- Amcangyfrif o'r costau sy'n gysylltiedig â chamau o'r fath

- Nodi ystyriaethau pellach sydd eu hangen, e.e. cynllunio, arolwg to ac ati
- Amcangyfrif o'r ynni sy'n debygol o gael ei arbed, y lleihad mewn allyriadau carbon a'r costau ariannol a gaiff eu harbed

Gan gydnabod na all mudiadau wybod at bwy i droi i wneud gwaith o'r fath, dyma gwmnïau sy'n adnabyddus iawn i ni ac sydd wedi'u briffio'n llawn ar y gofynion o dan y prosiect hwn:

- **Awel Aman Tawe**
Michael Switzer
michael@awel.coop - 07823 466245 / 01639 830870
www.aat.cymru
- **Datblygiadau Egni Gwledig**
Bharadwaj Raman
b.raman@deg.cymru - 07529 902493
www.deg.wales
- **Rounded Developments Enterprises**
Peter Draper
info@rounded-developments.org.uk - 029203 73094 / 07929 529384
rounded-developments.org.uk
- **Severn Wye**
Stuart Dean
stuartdean@severnwye.org.uk - 07974 326 133
severnwye.org.uk
- **Utility Aid**
Emily Berry
eberry@utility-aid.com - 07913 519358
utility-aid.co.uk

Nid yw'n ofyniad penodol o'r cynllun i ddefnyddio'r cwmnïau hyn. Byddwn yn derbyn adroddiadau eraill, os ydynt yn bodloni gofynion yr arolwg.

Gall mudiadau gael syrfewyr i wneud gwaith mwy eang ar y cam hwn neu i arolygu mwy nag un eiddo, ond £1,000 fydd y swm mwyaf o grant y gellir ei gael (yn cynnwys TAW anadferadwy yn unig).

Bydd pob buddiolwr grant yn cael gwahoddiad i ddod i weminar a gynhelir gan [The Ethical Property Foundation \(Saesneg yn unig\)](#) a fydd yn edrych ar agweddau ehangach cynllun rheoli eiddo a sut mae effeithlonrwydd ynni yn ffitio o fewn hynny.

GRANTIAU GOSOD

Gan ddefnyddio'r wybodaeth sydd wedi'i chynnwys o fewn eich arolwg (waeth a yw wedi'i gyllido gan ein grant neu beidio), gallwch wneud cais am grant hyd at £25,000 ar gyfer cyfanswm o 80% o'r gost o wneud y gwaith a nodwyd, gan gynnwys TAW anadferadwy.

Trwy gymorth [Moondance Foundation \(gwefan Saesneg yn unig\)](#), mae gennym gyllid ar gyfer deg grant o'r fath ac mae cymorth pellach ar gael drwy [Gynllun Grantiau Bach Rhaglen Cyfleusterau Cymunedol](#) Llywodraeth Cymru.

Unwaith y bydd hwn yn fyw, gellir hefyd wneud cais am y cyllid drwy [system MAP CGGC](#). Bydd y broses yn casglu'r holl wybodaeth sydd ei hangen, waeth a fydd y grant llwyddiannus yn dod drwy CGGC neu'r Rhaglen Cyfleusterau Cymunedol. Ni fydd angen i chi gyflwyno ceisiadau ar wahân, ond gallwch dim ond llwyddo drwy un o'r ddau lwybr (ni allwch gael cyllid o CGGC a'r Rhaglen Cyfleusterau Cymunedol drwy'r cynllun hwn).

BENTHYCIADAU GOSOD

Bydd yr un broses ymgeisio o fewn MAP yn rhoi'r opsiwn i chi wneud cais am fenthyciad ar yr un pryd i dalu am unrhyw wariant ychwanegol a allai fod gennych chi.

Mae'r benthyciadau hyn ar gael, waeth a ydych chi'n llwyddiannus gyda'r grant neu beidio, ond bydd angen i chi gyflwyno arolwg ynni addas gyda'ch cais.

Bydd telerau'r benthyciadau yn amrywio yn ôl maint ac amgylchiadau. Bydd y [Tîm SIC](#) yn fwy na bodlon trafod hyn gyda chi – sic@wcva.cymru.

CYMERADWYAETH

Bydd panel grantiau CGGC yn defnyddio meini prawf tebyg iawn i'r rheini ar gyfer y grantiau arolwg ynni i bennu'r dyfarniadau. Bydd y Rhaglen Cyfleusterau Cymunedol yn dilyn eu proses arferol – [mae rhagor o wybodaeth am hynny yma](#).

GWAITH GOSOD

Cydnabyddir y gall fod angen ychydig o help ac arweiniad ychwanegol arnoch i ddewis contractwr priodol i gyflawni'r gwaith neu i gael rheolwr prosiect i'w oruchwylio. Gall yr holl fudiadau a restrwyd uchod yng ngham dau roi hyn i chi yn ogystal â'r enwau ychwanegol yn y rhestr hon:

- **Awel Aman Tawe**
Michael Switzer
michael@awel.coop - 07823 466245 / 01639 830870
www.aat.cymru
- **Datblygiadau Egni Gwledig**
Bharadwaj Raman
b.raman@deg.cymru - 07529 902493
www.deg.wales
- **Rounded Developments Enterprises**
Peter Draper
info@rounded-developments.org.uk - 029203 73094 / 07929 529384
rounded-developments.org.uk
- **Severn Wye**
Stuart Dean
stuartdean@severnwye.org.uk - 07974 326 133
severnwye.org.uk
- **Utility Aid**
Emily Berry
eberry@utility-aid.com - 07913 519358
utility-aid.co.uk

Caiff y gost o ddefnyddio unrhyw un o'r rhain, neu fudiadau eraill, i ymgymryd â'r gwaith ei ystyried yn 'wariant cymwys' o fewn eich cais am grant neu fenthyciad, ynghyd â TAW anadferadwy.

Rhagwelwn y bydd y mwyafrif o'r gwariant ar bethau fel paneli solar, pymphiau gwres, storfa batris, inswleiddio ac ati, ond rydyn ni'n hapus i ystyried unrhyw beth sy'n ffitio gydag ethos y cynllun, gan gynnwys prynu cyfarpar mwy ynni effeithlon.

Gellir cael atebion i gwestiynau neu esboniadau gan sic@wcva.cymru.

Ymhlith cwmnïau eraill, gall y canlynol fod yn ffynonellau pellach o wybodaeth a chymorth yn y maes hwn:

[Cymdeithas Ymddiriedolaethau Datblygu Cymru – rhaglen Egin](#)

[Cynnal Cymru](#)

Os ydych chi eisiau deall mwy am yr argyfwng hinsawdd neu sut i ddod â'ch staff, eich ymwelwyr neu eich buddiolwyr gyda chi ar eich taith i ddatgarboneiddio, mae Cynnal Cymru yn cynnig yr [hyfforddiant Llythrennedd Carbon \(tudalen we Saesneg yn unig\)](#) gwobrwyedig i unigolion neu grwpiau, yn Gymraeg neu'n Saesneg. Cysylltwch â mudiad Cynnal Cymru hefyd os oes gennych chi ddiddordeb mewn cyfrifo [ôl troed carbon eich mudiad](#). Mae'r gwasanaeth wedi'i ddylunio'n benodol i fudiadau llai ddeall eu hallyriadau a gwneud gostyngiadau wedi'u targedu yn unol â thargedau hinsawdd.

SUT I YMGEISIO

Er mwyn gwneud cais i'r Cynllun Effeithlonrwydd Ynni, bydd angen i chi gofrestru gyda Phorth Ymgeisio Amlbwrpas CGGC (MAP). Os ydych chi wedi cofrestru gyda MAP o'r blaen, gallwch chi fewngofnodi drwy nodi eich enw defnyddiwr a chyfrinair ar y sgrin gartref.

Gall mudiadau gofrestru drwy fynd i'r wefan: map.wcva.cymru.

****Mae'r ddogfen hon hefyd ar gael yn Saesneg yn wcva.cymru**